

中國地方志薈萃

西南卷·第五輯

伍

《中國地方志薈萃》編委會編



九州出版社
JIUZHOU PRESS

全國百佳圖書出版單位

同治松潘記略

出版說明

同治松潘記略

(清) 何遠慶纂修



本書不分卷，據清同治十二年（一八七三）刻本影印。


聖福寺圖




松潘圖記




松潘圖記









松潘圖記

直隸松潘廳記略序

嘗考唐書西川節度使李衛公德裕作七層樓於今松潘廳治訪山川道里之險易吐蕃之出入繪於上若親歷日與習邊事者籌之未幾悉怛謀來歸蓋能知其虛實制其死命運籌於中而決勝於外也廳治爲古吐蕃地其民漢少夷多自成豐庚申亂後夷情益強悍部落環繞廳城據險要號稱難治遠慶庚午冬權篆斯土老成凋謝文獻無徵治番之道茫無依據擬修志書因鮮同事勛助不果行爰留心採訪於番部之數目距城之遠近關汛之險易幅輳之廣狹以及民俗夷情物產水源諸事或耳聞或身歷筆之於書復繪輿圖一城垣方隅圖五有事則考較行之前年來已成帙矣今瓜期再周請更代報可去任有日矣遠慶廳人士請付剞劂遠慶曰余所書不過隨時筆記掛一漏萬事多關如烏乎可或曰是記雖不詳然該處民情風俗盡在是矣松潘故無志今有是書可備參考君亦何憚而不爲乎遠慶不獲已遂召手民刊之顏曰松潘記略明其非志也且不詳也若夫廣摻博訪燦然大備志書之作則不能無望於後之君子矣

何遠慶序

同治十二年歲次癸酉季春月權知松潘廳事楚北漢川

夷情記

五方之風氣不同而秉性各異匪惟漢夷異即夷與夷亦鮮同焉廳治部落環集其西南一種曰獐落子治屬黃勝關外者曰生番關內者曰熟番口內外綿袤數千里總名曰番以地界於西故土人呼曰西番居止傍山腰或山頂累石爲屋層級而上堅牢深密形如箱櫃高者至十餘丈土人呼爲碉亦有作平房者中間以樓泥封其頂雖雨不漏天晴曝衣糧於其上聚處則曰寨服式無冬夏男冠皮帽或毡帽或紅巾束額身著氍毹子以牛羊毛織成似褐而粗外披大毯如袈裟下體無裨以褌爲裙亦有衣短袄用

松潘記略

二

紅紫色嗶嘰爲之足穿皮靴行步艱難多騎馬者婦女耳垂銅環大於掌髮紐作細辮數十條末總結之繫以牛毛富者綴珊瑚寶珠青錢施於背以爲美觀餘多同男子云婚姻無媒妁男女相悅則父母爲之娶親房置酒食以定婚食則用稞麥炒研細末名糍粑秦武城金川子役說糍粑和乳盛木碗內茶煮極濃加牛羊酥酪微調飲之腹少飽則以碗底糍粑更加乾者搓團食名曰呵糍粑茶日常五六次蓋天氣寒地氣燥故用糍粑之熱和以酥酪之膩茶茗之涼而食之亦因地然也喜飲酒用雜糧漬於桶釀數日以細竹吸之曰咂酒盡則添以水味淡乃止性好

佛其教來自西域皆於佛法修夙命通術之高者曰喇嘛能咒阻雨雹咸尊奉焉番民有兄弟二人則以一爲僧常求喇嘛撫其頂以爲榮專供諸佛叩以他神弗知也朔望誦經於寺築壇如廠施帷幄設高幾跌坐於上羣僧席地坐兩旁擊鼓鉦誦經經字形與蒙古文相近於紙上左行橫書遇新歲或會期則誦經如前狀羣僧披緋衣戴面具如鬼怪虎豹形更番迭出平地跳躍有登頂盤湧飄忽之狀事畢搏翅人擲地環繞咒詛一僧抽刀斷其頭一僧斷其手足一僧剖其心分隊前驅勢如破敵復環行三匝歌聲四起若凱旋者自夜達旦名跳錫裝病者不服藥但求

松潘記略

三

媚於神或倩僧誦咒人死無棺槨以生時所用衣物馬匹置屍旁並焚之無嗣者其家產盡施諸寺僧喇嘛誦經度死者生善地云俗重貨利熟番之富者常買茶用牛馬馱運口外向生番易狐羊皮諸物回賣之貧者或打鹿麋賣茸麝售柴爲食性尤多疑喜聚黨與有事則用木板刻數齒於其上挨寨傳遞約人曰木刻聚多人會議是則行否則散常有議數日不決者此最爲惡習尤可怪者其俗嚴盜賊而不重人命或殺人則給牛羊布疋於死者家爲埋葬費治盜賊不論強竊輒用活埋縛溺諸刑視殺人者罪尤甚焉倒行逆施強悍相尙地方文武官向不過問因循

日久狡焉啟心咸豐庚申之變始則激於誅求繼則疎於防範借譽騎戈大肆屠掠而九關六堡遂爲豺狼藪當其禍者一二忠義張古虞司馬全家殉難受其毒者百萬生靈嗚呼此果誰階之厲乎迨大兵進剿收復城池雖有譴罰之名究無懲創之實彼因視爲故事狂悖益甚夫眾番環繞近在肘腋無事則易狎易玩有事則蹈瑕襲釁勢最便近縱南有平番疊茂犄角於外北有漳臘南坪聲援於內而危巖絕嶺馬不能並列人不能並肩設狡番伏兵險路斷我前後阻我芻糧勢必至於大困議撫而陽爲恭順議勦而無所措手思多則不遜威甚則走險官茲土者將何策之從

松潘記略

四

庚午冬安土酋罪應肆市羣番蠢動風鶴時警連慶履任之初置安土酋於法各寨聞風首竄喙伏不敢再抗矣復與廣載廷李岐山兩總戎先後籌畫於中左右漳臘疊溪平番六營仿照五屯添設土弁自守備以至外委九十餘員擇其端詳歷練者使之充當寨長亦如之但不准子孫世襲致滋流弊至額設土司驟難更張一仍其舊其新議設立者每年共需銀二千六百兩有奇照定章畫一支放以昭信實如大小土弁缺出統歸鎮廳會同揀放勤能者記功拔補廢弛者革黜究治秉公甄拔俾知勸懲倘何寨負隅卽徵調土兵勦辦以爲漢兵前導取其熟於山箐險

阻也是役也一則西番生齒日繁舊雖設有土官管束大轡長莫及之虞再則以番制番事省而功倍其爲今日邊防第一要策無疑也說者曰番夷之性畏威不畏德若復姑息養奸終必受其害夫君子之居官仁與智二者而已智者慮事不在一日而在百年仁者用心不在苛虐而在相循倘多方化導番民與漢民無異何受害之有繼之籌邊之道神而明之存乎其人得其人則猛獸毒蟲莫不蟄伏非其人卽城狐社鼠亦將鳴張自古然也若夫形勢之偏全控制之遠近時與習邊事者講求方略亦可得其要領祇因志乘無存姑就耳目所及者著其大概要而言

松潘記略

五

之治邊之吏惟在恩信而已無他異政也予蓋日夜有志焉而愧其未逮云

民俗記

嘗聞土肥則民奢地瘠則民儉故觀其民之風俗卽知其地之貧富焉廳治古徼外地漢唐始通中國漢民遷寓者多居廳城及漳臘南坪平番各營城兼東南北三鄉塘汎間迨咸豐庚申之變蕩析離居或貧羈他鄉或慘罹浩劫後此歸來者更少矣問其業或於山石隙種稞麥藥材或入伍或小貿於市不論農商皆習番語爲其便與番民稱貨交易也有力者並販茶黃勝關外易麝香鹿茸皮張諸物以歸歲常一次獲重利焉富民居瓦屋貧則築土爲牆加椽柱削木爲片蓋其上寬如瓦而稍長名木瓦上壓以

松潘記略

六

石罕用茅草者以風大故也飲食則以麥麩爲各種餅餌貧者食糶粃

詳夷情記中

或以包穀爲末水煮如漿雜蔬菜鹽

梅食之曰伴湯人無貧富非筵譙鮮食米者每家置一矮

火盆飲食悉圍爐而坐四季皆然鮮炊於竈者其服則衣

布衣着皮裘無華飾雖甚貧亦披老羊裘或毡子

詳夷情記

或毡祆製用羊毛織成蓋天氣極寒非裘毡莫禦也貿易

皆資於番故市錢以八百文日一兩錢其錢分以此遞推

從番俗也居民食貧習儉性質樸魯雖間有聰秀者亦多

無資讀書兼以南坪黑河溝接甘肅洮州廳番壤屆冬藏

時彼番越界擄掠以爲常民尤患之產麥不敷食及日用

器物常望濟於隣邑道險遠價值恆昂夫邊地寒苦所在皆然無足怪者而民貧土瘠恐無過於此也

松潘記略

七

詞訟記

夫聽訟貴於得情以民情之各異也廳治漢番雜處互相交涉非番與番訟卽番與民訟番性慙而拙若負屈反目操戈雖戚友如不相識然且部落連絡數百里犯法逃亡者藏匿其中捕役難施計若一犯偶寬則羣相效尤而禍階之漢民經亂後窮益甚遇事不得已始愬於官若番民雖細故亦訟官爲剖白則紛解否則聚而生衅此緝捕決獄之難也然其中有道焉番民受約於土官有事則愬之士官弗能決始訟於廳官鞠其情則從根細訴絮絮不休縱千萬言勿急止也凝神細審之則情或見諸語言或露

松潘記略

八

於形色從隙處而詰之則真情畢露得其情則叩首乞恩弗敢辨置諸法死無怨各番部亦罔異議若真情未能先出輒嗔怒而筆楚之雖無枉亦不服也前奉

憲核定土弁章程內議番之犯法者歸土弁交出禁窩留有案差緝不獲由土弁緝送不令差役赴諸寨查緝杜影射擾累弊土弁勤緝捕者賞之怠則罰必信必果其後番民犯紀者土弁執送於廳弗待差喚而其人可刻期立致焉近來漢民漸多狡黠遇番民恭順者欺之橫強者畏之儒番遇刁民有時負屈弗敢訟只聚眾議或陰謀報復或率黨械鬪禍亂之萌多伏於此治此者可不思患預防

物產記

萬物所以養民也物之蕃滋雖由人力亦賴夫天時地利焉松治天極寒盛暑時如初春晝將午則風作晴明風益大晝夜之間寒煥頓易夏時亦雨雪故常有五月披裘者地無田皆種殖山間土性磽薄穀屬則於平武茂州交界處產少許他處皆無也豆屬則產蠶豆豌豆黃豆蔬屬產白菜青菜莧菜葱蒜萵苣四季豆芹菜洋芋苦菜蘿茹蓮花白菜蘿蔔瓜屬產南瓜花屬產菊花棋盤花惟南坪產牡丹以天時煖也果屬則產蘋果延壽果木屬則松柏樺木另有一種曰段木質細膩可爲器竹屬產細曲竹葉

松潘記略

九

屬產黨參沙參黃耆貝母羌活當歸大黃獨活防風柴胡秦艽虫草半夏茯苓白芨牛黃硫黃猴結五甲皮甘草升麻前胡益母草車前草蜂蜜麝香鹿茸土狗油青羊血禽獸則產野雞錦雞雞松雞馬雞雞尾毛可爲家雞紅嘴鴈鹿獐牛牦牛羊山羊青羊獐野兔猴狐狗熊土狗馬豕貓出口俗呼爲獅子狗黃鼠狼豹魚屬產細鱗魚食物則酥油奶茶猪腰雞物青鹽出口外凡物種以春深熟則秋末蓋土凍解始可植地性薄則生發緩耳土不產稻穀種亦難收俗云穀怕午時風其信然耶夏晝多雨雹如蚕豆大擲瓦上鏗然作聲麥蔬遺之則壞例於四月至八月

於西門頂派兵還守見山後雲起轟以礮則雲散日出否則雹立至有時雹不能止則請番僧咒詛之恆有驗俗謂西山後海內有蝦蟆妖畏天煖而作崇夏時天稍煖則呼風作雹秋中天冷妖亦不作矣境少平地難築堰以蓄水天旱無可灌救故歲多歉而少豐土人常曰境內如產包穀則食稍充裕壬申夏勸民試種幸是秋霜遲皆成熟心甚快之意者松民能勤耕作耐勞苦故天時地利均效其靈歟

江源記

江之流大矣哉歷萬里而入海波濤浩蕩界分南北昔人所以稱爲天塹也然探其源則禹貢有岷山導江之語李膺益州記又曰羊膊嶺水分爲二一東南流爲大江一西南流爲大渡河金履祥釋禹貢從之范成大吳船錄亦曰江源自西戎由岷山澗壑中出陸游入蜀記曰嘗登岷山欲窮江源而不可得諸說雖異然江水由西流於東岷山在蜀西界則江之出宜自此昉也明矣嘗以未得實據爲恨庚午冬奉檄松州行出灌口陞步皆山峯高而重狀不一人行山腰水流巖下俯視高千百尋焉波鳴震耳涼凜

巔仆巖斷處鑿孔架以木空其下古云棧閣俗名偏橋夏秋水漲飄沒不可尋攀崖谷趁起而已行數日抵暑體困甚然究未知其山之何名與其水之所自出也接篆後訪知水源出境內適有事至南坪路經弓杠嶺距水源不遠便道往探見山高而嶺平有三穴圓如錢水由穴湧出合流而下詢諸父老云松茂諸崗嶺統曰岷山特隨處異呼耳此嶺俗呼羊膊又呼鐵豹其水流至廳城歷疊溪茂州入灌口包絡成都府境南入眉嘉敘瀘又東拆經渝慶巫峽而入楚蜿蜒歸於海導流既遠包涵益衆遠慶聞之唱然嘆曰夫古所謂岷山卽蜀西諸山之總名羊膊嶺殆後

人所分而名之者也李膺謂東南流爲大江卽父老所謂
歷疊溪茂灌等處而入楚者也其西南流爲大渡河父老
雖未言然考大渡河之水實分流越嶲及松林土司界內
仍東趨敘郡而滙流於江禹貢言岷山導江聖經所垂眞
千古不易矣松潘處蜀之極西本朝設廳以前漢民稀少
距省城七百餘里路最險遠古君子誰復親履其地且其
地諸蠻屬集言語不通卽至之而欲窮其狀亦無可過訪
者故陸游思探源而不得李膺范成大嘗言之而不能詳
也語云百聞不如一見信然

松潘記略

主

職官兵額記

一松潘直隸同知一員

教授一員

照磨一員

分道費南坪巡檢一員

一松潘鎮總兵一員

中營遊擊一員

中營守備一員

額設制兵六百六十七名除歷年裁撥並右營移駐
南坪存剩馬戰守撥歸本營管轄現存營汛馬兵九

松潘記略

三

十一名戰兵二百四十七名守兵三百七十六名共
七百一十四名

左營遊擊一員

左營守備一員

左營專城千總一員

額設制兵六百六十七名除歷年裁撥現存營汛馬

兵八十一名戰兵二百零四名守兵三百零五名共

五百九十名

漳臘營參將一員

漳臘營守備一員

專城把總一員

額設制兵六百四十名除歷年裁撥現存營汛馬兵
五十三名戰兵一百三十七名守兵二百七十五名
共四百六十五名

南坪營都司一員

專城千總一員

額設制兵三百名除歷年裁撥現存營汛馬兵四十
名戰兵一百名守兵一百六十名共三百零一名

平番營守備一員

專城千總一員

松潘記略

十四

原額制兵二百五十名除迭次裁撥現存營汛馬兵
二十三名戰兵五十七名守兵八十五名共一百六
十名

城垣記

廳城爲明洪武指揮徐凱建造高二丈六尺周九里七分
計一千七百四十六丈門五東南西北俱平地西山岡小西
門山腰江水穿城自東門南入南門西出小城附大城之
南周二里高一丈八尺西南各一門咸豐十一年番亂傾
圮同治六年松潘廳鄧友仁因舊址修葺

漳臘營

明嘉靖十一年魯人爲害巡撫宋滄議於漳臘後山橫建
靖魯墩西小高嶺建靖魯墩設戍守之嘉靖二十年巡撫
王珩展修漳臘城堡建置官廳營房修邊牆一萬三千五

松潘記略

十五

百三十七丈深挖坎阱二千五百六十四口又於大壩建
造一堡修築城垣內建官廳營房西山平垣處修一墩以
防侵擾之患萬歷六年副使楊一桂以漳臘所屬絕岩謂
廂等十七屯堡去松遠支糧不便議於漳臘舊基修建
新倉改運關支卒伍便之天啟崇禎間邊防猶故侵擾狎
侮至無甯日

節選防總論

國朝雍正七年重修城垣咸豐十一年番亂營城傾圮同治
十年參將蔣朝舉捐廉修葺

南坪營

國朝雍正七年巴州知州吳赫監築土城東南北三門西倚

山東阻河南北月城咸豐十一年番亂傾圮尚未修復

寫壩土寨周圍二十八丈底寬八尺面寬六尺牆建梁高一丈五尺南北二門

四道城土寨周圍三十二丈底寬八尺面寬六尺牆建梁高一丈六尺東南北三門

案甘肅洮岷屬陽布賊番每當收穫時率黨與至松屬黑河溝一帶擄掠歲以為常民甚苦之同治十年秋議於黑河溝內寫壩四道城兩要隘修建土寨二座由南坪營派兵防守次年即無侵擾之患

平番營

明萬厯間砌石城

國朝雍正七年重修咸豐十一年番亂傾圮尚未修復

松潘記略

夫

學校記

廩膳生員舊額十二名

增廣生員十二名

附學生四名

武生歲試四名

岷江書院

本城東門內番亂焚燬尚未修復

本城義學二

漳臘城義學一

同治十年新設其束修暨文童赴省考費均交本地紳士任公遴尋經管生息載在規條

松潘記略

老

關隘塘汛記

望山關 步兵二名

雪南關 步兵二名亦名爲雪欄山方輿紀要云山勢險行數里始至其巔上有風洞深不可測志云洞多惡風每午輒大作則灰沙蔽天人馬俱辟易與氣襲人觸之多死

風洞關 步兵二名

三岔子 步兵二名

松林堡 步兵二名地多黑松故名

大岩坊 步兵二名

紅崖關 步兵二名爲東路險要

松潘記略

三舍汛 外委一員步兵二十四名此爲道中之地

鎮遠塘 步兵二名

小關塘 步兵二名

月耳塘 步兵二名

三路口 步兵二名

師家堡 步兵二名

四望堡 步兵二名

龍潭堡 步兵二名

小河汛 把總一員外委一員方輿紀要距應城一百里此爲小河干戶所增置城堡又添調官兵更番戍守編戶一里今設小河營

峯岩堡 步兵二名

木瓜墩 步兵二名與平武縣交界

以上東路關隘塘汛由應城至木瓜墩二百一十里

紅花屯 步兵二名金蓬山在應治東五里羌人金蓬者音居此山

雄溪屯 步兵二名屯左十三里即東勝堡

西甯關 步兵二名

雲屯堡 步兵二名

安順關 把總一員馬兵二名

得勝堡 步名二名志云百勝堡

松潘記略

新塘關 步兵二名

龍韜堡 步兵二名俗名龍潭堡

歸化關 馬兵二名方輿紀要云唐常璩蜀廣歸化關蓋因以名地形險要有龍溪等若大小橋梁爲諸番出沒處

北定關 步兵二名方輿紀要云嘉靖七年守將邊輪與橫梁堅兒等番戰敗沒於此邊略松潘至茂州三百里山嶺險惡一盤攔石百人不能過其路隨河折彎下山搶掠最當有以制平而禦制之

鎮江關 步兵二名亦名浦江關方輿紀要云宏治中松星之開極爲要害若聚兵屯糧築城固守三面聯絡什伍相保卒然有警松星發援可立應也

平番堡 守備駐此

平夷堡 步兵二名即平夷關也方輿紀要云其地即平可容千騎爲四十八寨飲盟歃血之地即